



اوتورسيتي مليسيا فهج السلطان عبد الله
UNIVERSITI MALAYSIA PAHANG
AL-SULTAN ABDULLAH



Syawal: Dalam Bahagia dan Duka

Takbir bergema di serata alam
Laungan tanda tibanya Syawal
Riang gelak ketawa di samping riak wajah ceria
Tangan diangkat doa dipanjat
Bukti kesyukuran pada Yang Esa.

Mak bonda sibuk dengan ketupat dan rendangnya
Ayahanda pula berkipas membakar lemang
Anak dara masih dengan kuih dan balangnya
Si jejaka kalut tirai di jendela belum digantung
Anak kecil berlari kegembiraan dengan bunga api di tangan.

Di satu pelosok dunia ada insan yang penuh dengan tangisan
Bukan meratapi nasib diri sekadar mengingati yang telah pergi
Tidak lagi dapat bersama di Aidilfitri
Bukan meratapi nasib diri, melainkan air mata kesyukuran
Masih bisa mendengar gema takbir
Meski tanah pertiwi dibedil bom api
Meski syaitan bertopeng manusia
Yang jahatnya bukan sekadar di siang hari
Kejam mengacu dan menghunus senjata
Pada jiwa yang tertindas
Pada jiwa yang meraikan kemenangan Ramadan
Tika menyingsing fajar Aidilfitri

Aidilfitri, kau hadir dengan dua wajah
Gembira dan duka, bersanding di atas satu pelamin
Begitu pun, hari ini kita sambut dengan doa
Biar kedamaian menyapa, di setiap sujud dan rukuk
Agar kunjung damai yang dinanti
Agar bahagia dikecapi kembali
Menyambut Syawal tanpa duka, dalam cinta yang utama



Nukilan:
Nor Suhardiliana binti Sahar
Pusat Bahasa Moden
Universiti Malaysia Pahang
Al-Sultan Abdullah (UMPSA)



[Creative Work](#)

Syawal Dalam Bahagia dan Duka

23 April 2024

- 19 views

[View PDF](#)